

কানার নাকান আতাই খালি,
কনিত নাগিয়া পড়ছে খালি।
যেবায় মেতা আতো নাগে,
উন্টিয়া পড়ে ছইবার আগে।
ঘটিত আছিল গঙ্গার জল,
একই উষ্টায় চকির তল।
আন্ধাইরো গেছি চেয়ারো বওয়াত,
বইতেউ বোধ পাই মেকুর ফওয়াত।
ইগ্যে বাক্স পাইছে দুখ
একই আউচরায় লইছে সুখ।
উঠছে আমার অজাত গুসা,
আইয়াউ খাইছি খুটিত চুসা।
বুড়ার উক্কাত পড়েছে পাড়া
নাইরচা ভান্দিয়া উক্কা গুড়া।
কি যন্ত্রনা কারেন্ট গেলে,
বুঝিয়ার ওখন তিলে তিলে।
খাওয়াত বইলেউ কারেন্ট যায়,
কার থালোর ভাত কে যে খায়।
আন্ধাইরো মেকুরে দেখে ভাল,
সুযোগে মিটায় পেটোর জ্বালা।
নাতি, নাতনির পড়া নষ্ট,
হক্কল মনতে কিজাত কষ্ট।
সুসার অয়না রাক্সা বাড়া,
কুনা কামর লয়না দাড়া।
ইজাত বাস্তি হরাই ফানা,
ইতার তলে নাইআউ ভাল।
আইলে থাকে যাইবার ডর,
কারেন্ট গেলেনু যমর ঘর।
এরচে ভাল কেরেচ বাস্তি,
ইতাত হয়না ইজাত শাস্তি।
আইবার যাইবার নাই ডর,
কেরেচ থাকলে খেচিয়া ভর।
লেম, লেপ্টন অতাউ ভাল,
দিনে রাইতে হরদম জ্বালা।

লেপ্টনউ ভাল

সংগ্রাহক - রত্নজ্যোতি চক্রবর্তী

বেঙুন ভাজা পড়ছে তেলো,
এমন সময় কারেন্ট গেলো।
দাদিয়ে কইতরা- কইরে নাতি?
দেখ চাই কেন কেরেছ বাস্তি।
ইগু পাছনা লেপ্টন আন-
বুড়ায় আন্ধাইরো পাইরা গান।
সইক্যা ইইতেউ যমে পায়,
কারেন্টোর বাস্তি কইবে যায়।
বাস্তিশোর তলে সনহিত নাই,
আন্ধাইরো তুকাইয়া কেন যে পাই।
ক্লেগার জিনিয় ক্লেগাত রয় না,
বিলেও কেউ আনিয়া থয় না।